

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqquteqaat:

- 1) Inuit arlaatigut sulisinnaanerat pisinnaajunnaartillutik ikiorsiissutinik piaartumik pisinnaappat?
“Piaartumik” paasineqassaaq ingerlaannaq sulisinnaajunnaarneq piinnavittoq aningaasanik ikiorsiissutinik pisalerlutik.
- 2) Inatsisit maleruagassallu pioreersut malillugit, inuit sulisinnaajunnaartut, soorlu suliffimmini ajutoorsimaneq patsisigalugu, qanoq sukkatigisumik ikiorsiissuteqalernissaminnut pisinnaatitaaffeqarpat, suullu inatsisitigut allatigullu qulakkeerneqaqqaartussaappat? *Sukkassuseq imatut paasineqassaaq qaqugukkut aningaasat ikiorsiissutit inuk pineqartumut anngunneqartussaataappat.*
- 3) Ikiorsiissutinik piaartumik pisarnissaq piviusunngortinniassagaanni, inatsisit maleruagassallu allanngortitassat allanngortinneqarsinnaasulluunniit sorlerpiaappat?
- 4) Naalackersuisut pissusissamisoortippaat inuit Nunatsinni patsiseqarlutik, soorlu sulinermi ajutoornermi aqqusaagaqarnermilu sulisinnaajunnaartut sulisinnaajunnaarallartullu piaartumik ikiorsiissutinik pissarsipallasinnaasarnissaat?

(Inatsisartunut ilaasortaq Doris Jakobsen Jensen, Siumut)

Tungavilersuut:

Inuk kinaluunniit pimassuserinngisamik nappaammik nalaanneqarsinnaasarpoq, malitsiginnaasarpaalu kissaatiginngilluinnakkamik suliffeerunneq – ilaannilu tamanna ajorluartumik pisinnaasarpoq ullormiit ullormut. Tamassuma aallaavigisarpaa ajutoorsimaneq assigisaaluunniit. Amerlasuut timikkuinnaq kalluarneqarneq ajorput – kisiannili aamma tarnimikkut nanertuutigilersarpaat, annermik inuit inigisaminnik, tamassuma malitsigisaanik akiliisinnaajunnaarsimagaangatta. Piaartumik piffissaagallartillugu pisinnaatitaaffigisaraluamik ikiorneqarsimannginnerup qulaani taakkartorneqartut malitsigikkajuttarpai. Ajorluartumik ilaatigut naammattuugassaasarpoq, inuit piffissaagallartillugu

ikiorserneqarneq ajortut – allaallumi ikiorsiissutigineqartussaagaluit, sulisinnaajunnarnermiit ukioq ataaseq sinnerlugu tiguneqarneq ajorsimapput

Apequtigineqartut nutsersimanei nalornissutigineqassappata kalaallisut allaqqasortaa aallaavigineqassaaq. Apequtigineqartut ullut suliffiusut qulit (10) iluanni akeqquneqarput.